

家排闥突入奪之讓位後疾遂不瘳遷居冷泉院上尊號曰太上天皇天祿元年四月冷泉院火徙居朱雀院河內前司重通家在西京門前泥瀆施板通路有老翁露頂褰裳將踏板而過重通尙幼戲蹴撼其板翁顛仆地藏人二人自後來扶起而去問之則上皇也寬弘五年十二月還居冷泉南院八年不豫及至大漸藤原道長入侍上皇忽發聲而歌道長驚而去三條帝屢欲侍疾道長奏狀以故而止十月癸亥崩於南院年六十二火葬櫻本寺前野藏御骨於山側稱冷泉院又后昌子朱雀女藤原懷子太政大臣伊尹女藤原超子關白兼家女女御藤原怱子右大臣師輔女子四懷子生華山帝超子生三條帝爲尊親王敦道親王

田林源流考卷七

終

臣王先謙撰集

圓融天皇

宋史日本傳次守平天皇卽今王也凡六十四世年代紀

日本史圓融天皇諱守平村上第五子冷泉同母弟也天德三年三月丁未生十月爲親王康保三年八月始讀孝經四年九月冷泉踐阼立爲皇太弟安和二年八月戊子受禪於襲芳舍立皇姪師貞親王爲皇太子詔太政大臣實賴攝政左大臣兼左近衛大將藤原師尹右大臣藤原在衡大納言兼右近衛大將藤原伊尹如故庚子尊冷泉帝曰太上天皇追尊皇太后曰太皇太后九月甲子遷御清涼殿丁卯卽位於太極殿時年十一

庚三 天祿元年日本史春三月丙寅改元大赦夏五月戊午攝政

太政大臣實賴薨庚申以右大臣藤原伊尹攝政

辛四 天祿二年日本史春二月癸卯始行石清水臨時祭著為永

式冬十一月甲午以右大臣伊尹為太政大臣攝政如故

壬五 天祿三年日本史春正月甲午加元服於紫宸殿冬十一月

丁巳朔太政大臣藤原伊尹薨

癸六 天延元年日本史秋七月壬子尊冷泉皇后曰皇太后立女

御藤原皇子為皇后冬十二月庚子改元赦

甲七 天延二年日本史春二月丁未以內大臣藤原兼通為太政

大臣三月乙亥以兼通為關白冬十一月乙亥朔日南至壬辰赦

乙八 天延三年和漢年契武德殿火天變數見

丙九 太宗太平貞元元年日本史春正月改元夏五月丁丑禁內火

六月甲辰詔減服御常膳蠲除諸國天祿三年以前逋負免天下

徭半癸丑地大震天皇出南庭避之周帳為御座

丁二 貞元二年日本史秋七月戊子宮成徙御冬十月戊辰太政

大臣兼通罷關白以左大臣藤原賴忠為關白十一月甲午以太

政大臣兼通病大赦是日兼通薨

戊三 天元元年日本史春正月海賊殺備前介橘時望冬十月甲

寅以左大臣賴忠為太政大臣關白如故十一月庚戌改元大赦

己四 天元二年日本史春三月丙午謁石清水石清水行幸始於

此夏五月庚子下野言前武藏介藤原千常與源肥等構兵相鬪

六月庚戌皇后藤原氏崩乙卯葬堀河皇后

庚五 天元三年日本史秋七月丙辰大雨洪水東西京民舍多漂

流冬十一月辛酉禁內火殿舍悉燒天皇避之中院徙御職曹司

諸衛警固丁卯詔減服御常膳免五畿七道諸國調庸逋負及天

下徭半修法兵衛府

辛六 天元四年日本史春二月戊子行幸平野社加社司爵平野

行幸始於此三月庚申詔免營造宮城諸國今年租半秋七月壬

寅徙御四條後院九月丁未徙自後院御職曹司冬十月辛卯宮

成徙御

壬七 天元五年日本史春二月辛巳先是海賊大起調庸路梗至

是益熾劫掠行旅丙戌伊豫言獲賊魁能原兼信及黨與十五人

是月京師多盜放火劫人三月癸卯立女御藤原遵子為皇后冬

十一月乙巳夜禁內火遷御職曹司丙午諸衛警固十二月壬午

遷自職曹司御堀河後院和漢年契獻山禽然入宋

癸八 永觀元年日本史春二月丁未捕京畿私帶弓箭兵仗者案

之夏四月藤原子敏元大赦

上尊號曰太上天皇稱後太上天皇以別冷泉上皇寬和元年八

月違豫薙髮法名金剛法九月徙自堀河院御圓融院以十僧啟

行僧正寬朝從焉二年三月幸東大寺受具足戒永延二年十月

幸延麻寺灌頂受戒正麻二年二月癸丑崩於圓融院年三十二

遺詔停素服舉哀及置山陵國忌火葬圓融寺北原藏御骨於村

上山陵側是為後村上陵稱圓融院讓位之後幸紫野為子日遊

又幸大井河詩歌管絃三船分科風流文雅後世稱焉又后藤原

媼子關白兼藤原遵子關白賴藤原詮子關白兼妃尊子內親王

冷泉子一詮子生一條帝

華山天皇一作花山

日本史華山天皇諱師貞冷泉長子也母贈皇太后藤原懷子安

和元年十月丙子生於外祖大納言伊尹一條第十二月爲親王
二年八月圓融受禪立爲皇太子十一月入居凝華舍貞元二年
三月始讀書天元五年二月冠承觀二年八月甲辰皇太子受禪
於堀河院是日徙御新宮立圓融帝子懷仁親王爲皇太子關白
太政大臣賴忠左大臣源雅信右大臣藤原兼家權大納言兼左
近衛大將藤原朝光權大納言兼右近衛大將藤原濟時並如故
九月丙辰尊圓融帝曰太上天皇冬十月丙戌天皇卽位於太極
殿時年七十一月壬辰追尊所生女御藤原氏曰皇太后癸卯
詔曰一人之耳不能盡聽天下一人之目不得廣視域中是以古
之王者或問謗譽於途有邪必正或採曠言於市有善則行朕在
東闡十餘年猶當少日臨北闕四五月旣親萬機朕粗聞前事彌
圖後治願年蒼蒼履歷亦早之災元元之勳書曰木之被燬實已曷
日國自荒遊三洋饑饉者多如倭國純元勳書曰木之被燬實已曷
諫則聖夫人主者以納敢諫爲先人臣者以進讜言爲任彼廣德
之戒樓船終就其安朱雲之折殿檻永令無理且夫國之將興也
上下聚脣國之將廢也道路以目至如破家爲國面折戶諫者是
朕之願也於戲莫道澆季之俗試忘身而扶之莫言疲極之民強
戮力而濟之人和天且和民足君可足晉平公問叔向曰國之患
孰爲大對曰大臣重祿不諫小臣畏罪不言下情不上通此患之
大者也靖而思之誠哉斯言宜令公卿大夫及京官外國五位以
上職居官長秀才明經課試及第名爲儒士者各上封事匡朕不
逮卿等自慮中心廣詢眾庶不失寡婦忘緯之說莫遺匹夫炙背
之談凡國之利害政之得失盡露其膽以沃朕心旣容不諱之詞
欲聞無隱之議是月詔減服御常膳

宋史日本傳雍熙元年日本國僧裔然與其徒五六人浮海而至
獻銅器十餘事並本國職員今王年代紀各一卷裔然衣綠白云
姓藤原氏父爲眞連其國五品品官也裔然善隸書而不通華言
問其風土但書以對云國中有五經書及佛經白居易集七十卷
並得自中國其年代紀所載分注歷朝紀年下自卷一始太宗召見裔然存撫之甚厚
賜紫衣館於太平興國寺上聞其國王一姓傳繼臣下皆世官因
歎息謂宰相曰此島夷耳乃世祚遐久其臣亦繼襲不絕此蓋古
道也中國自唐季之亂寓縣分裂梁周五代享祿尤促大臣世胄
鮮能嗣續朕雖德慙往聖常夙夜寅畏講求治本不敢暇逸建無
窮之業垂可久之範亦以爲子孫之計使大臣之後世襲祿位此
朕之心焉其國多有中國典籍裔然之來復得孝經一卷越王孝
經新義第十五卷皆金樓紅羅標水滸爲軸孝經即鄭氏注者
越王者乃唐太宗子越王貞觀義者記室參軍任希古等撰也
然復求詣五臺許之令所過續食又求印本大藏經詔亦給之二
年隨台州甯海縣商人鄭仁德船歸其國後數年仁德還裔然遣
其弟子喜因奉表來謝曰日本國東大寺大朝法濟大師賜紫沙
門裔然啟傷鱗入夢不忘漢主之恩枯骨合歡猶亢魏氏之敵雖
云羊僧之拙誰忍鴻霈之誠裔然誠惶誠恐稽首頓首死罪裔然
附商船之離岸期魏闕於生涯望落日而西行十萬里之波濤難
盡顧信風而東別數千重之山嶽易過妄以下根之卑適詣中華
之盛於是宣旨頻降恣許荒外之跋涉宿心克協粗觀寓內之瓌
奇況乎金闕曉後望堯雲於九禁之中嚴扃晴前拜聖鏡於五臺
之上就三藏而稟學巡數寺而優游遂使蓮華回文神筆出於北
闕之北貝葉印字佛詔傳於東海之東重蒙宣恩忽趁來迹季夏

解台州之纜孟秋達本國之郊爰逮明春初到舊邑緇素欣待侯伯慕迎伏惟陛下惠溢四溟恩高五嶽世超黃軒之古人直金輪之新翕然空辭鳳凰之窟更還螻蟻之封在彼在斯止仰皇德之盛越山越海敢忘帝念之深縱粉百年之身何報一日之惠染筆拭淚伸紙搖魂不勝慕恩之至謹差上足弟子傳燈火法師位嘉前作喜此作嘉必有一誤并大朝剃頭受戒僧祚乾等拜表以聞稱其本國永延二年歲次戊子二月八日實端拱元年也又別啟貢佛經納青水函琥珀青紅水晶紅黑木榭子念珠各一連並納螺鈿花形平函毛籠一納螺杯二口葛籠一納法螺二口染皮二十枚金銀蒔繪筥一合納髮鬘二頭又一合納參議正四位上藤佐理手書二卷及進奉物數一卷表狀一卷又金銀蒔繪硯一筥一合納檜一檜蠟蠟墨墨檜檜鈿鈿檜檜刀刀對對金銀蒔繪箱箱一合納十共一納龍骨十椶螺鈿書案一螺鈿書几一金銀蒔繪平筥一合納白細布五匹鹿皮籠一納貂裘一領螺鈿鞍轡一副銅鐵燈紅絲鞦泥障倭畫屏風一雙石流黃七百斤

乙二寬和元年日本史夏四月先是左兵衛尉藤原齊明傷彈正少弼大江匡衡而亡至是官符諸國捕得誅之辛丑改元

丙三寬和二年日本史夏六月庚申夜潛出宮入華山元慶寺藏人藤原道兼僧嚴久從之道兼使左近衛少將藤原道綱奉劔璽於皇太子翌日天皇披剃爲僧法名入覺皇太子受禪上太上天皇尊號不受帝初親任權中納言藤原義懷權左中辨藤原惟成委決庶政以故紀綱振肅太宰府有私帶兵者卽位僅十日府中無帶者然而淫佚輕佻多納王卿女恩眷無常至納女御祗子寵

傾後宮及其卒悲不自勝遇事感愴有厭棄塵累之心適會所在
男女無故多爲僧尼帝聞之心益動又爲藤原道兼所誑遂及於
此常居元慶寺持律精嚴幸書寫山見僧性空登比叡山受回心
戒徧歷名山古刹其幸熊野也徒步抖擻備極艱苦至病臥海濱
作歌自歎數年之後入京居祖母家稍近婦女志操遂變初不受
尊號故不得年官年爵封戶及其居京東三條女院與藤原道隆
相議奏請裁置法皇心愈安焉常憚藤原道長欲得其歡心子賴
通充春日祭使會天大雪道長念之作歌法皇聞之亦作歌慰藉
之道長嘗觀賴通賀茂祭使行裝法皇駕塗金車盛飾從奴數過
道長棚閣前以見款曲道長大喜以故奉承周密其家設競馬遊
請法皇臨觀法皇性有巧思宮室器翫初意出奇好和歌其所親
撰有拾遺集竊宏五律上法音考補於華山院又女御藤原氏
太政大臣藤原姚子左近衛大將朝光女藤原諲子關白賴
爲光女藤原姚子將朝光女藤原諲子忠女婉子女王爲平親王
女平平子若狹守子四平子生昭登親王平子母中務帝乳母女
也生清仁親王又僧深觀僧覺源不詳母氏

一條天皇

日本史一條天皇諱懷仁圓融子也母東三條院藤原詮子天元
三年六月壬申朔生於外祖右大臣藤原兼家東三條第八月爲
親王永觀二年八月華山受禪立爲皇太子入居凝華舍寬和二
年夏六月華山遜位傳劍璽於凝華舍辛酉皇太子受禪以右大
臣藤原兼家攝政太政大臣賴忠左大臣源雅信權大納言兼左
近衛大將藤原朝光權大納言兼右近衛大將藤原濟時並如故
秋七月辛未尊皇太后曰太皇太后所生女御藤原氏曰皇太后

大赦壬午立華山帝弟居貞親王爲皇太子戊子天皇卽位於太極殿時年七歲八月癸亥敕太宰府召還在宋僧裔然冬十二月壬寅始讀書

丁四 永延元年日本史春二月甲辰僧裔然還自宋夏四月丁酉改元

戊端拱 永延二年日本史夏六月丁巳禁僧徒從者踰制著奇服挾短兵

己二 永祚元年日本史春三月癸卯行幸春日社春日行幸始於此夏六月乙亥太政大臣賴忠薨秋八月丙辰改元九月丁未以僧餘慶爲延麻寺坐主僧徒不奉命拒敕使壞宣命冬十月丁丑遣使延麻寺宥僧徒罪十二月丁卯以兼家爲太政大臣攝政如

寅元 正曆元年日本史春正月壬午天皇加元服夏五月己卯

攝政太政大臣兼家罷詔爲關白壬午關白兼家罷以內大臣藤原道隆爲關白丙戌以兼家疾大赦

日本國志兼家有疾削髮稱法興院皇太后亦削髮稱東

三條院相臣院女院始此 庚子以關白道隆攝政秋七月乙亥前關白兼家薨

冬十月丁未立女御藤原定子爲中宮十一月戊寅改元大赦

辛二 正曆二年日本史春二月癸丑法皇崩庚申葬圓融天皇秋九月癸卯以右大臣藤原爲光爲太政大臣壬子皇太后疾剃髮上號曰東三條院

壬三 正曆三年日本史夏六月戊寅太政大臣爲光薨冬十月己未從五位下源忠良討阿波海賊俘獲頗多

癸四 正曆四年日本史夏四月庚辰攝政道隆爲關白丁未詔遣使太宰府贈故右大臣菅原道真左大臣正一位冬閏十月甲辰

遣使太宰府再贈菅原道真太政大臣十一月甲寅朔日南至赦
庚辰行幸大原野社大原野行幸始於此

甲五 正厯五年日本史春二月壬辰盜火後涼殿己亥盜火弘徽

殿飛香舍三月戊午分差武士索盜夏五月丁丑大赦六月丙申

以京師訛言公卿至庶人閉門不出道路行絕秋七月壬申賑京

師民冬十月壬寅地大震是歲正月疾疫起於鎮西彌漫天下自

夏至秋轉熾僵死盈路

乙至道 長德元年日本史春二月戊戌改元大赦夏四月己卯關

白道隆罷丙戌前關白道隆薨癸卯以右大臣藤原道兼爲關白

丙二 長德二年日本史盜傷上皇夏四月甲午貶內大臣藤原伊

周爲太宰權帥權中納言藤原隆家爲出雲權守其弟賴親周賴

及黨與氏原權帥車載嚴五月甲辰安置伊周於播磨產家於且馬

冬京師屢火

丁三 長德三年日本史春正月至二月京師屢火夏四月己亥召

還藤原伊周藤原隆家六月丙午高麗獻書廷議不報嚴警邊備

冬十月壬辰朔太宰府驛言高麗劫掠邊陲

戊眞宗咸 長德四年日本史冬十二月丁亥盜入宣耀殿是歲自

夏至冬天下患赤斑瘡夏秋之交殊甚京師男女多死

己二 長保元年日本史春正月丁卯改元大赦夏六月乙丑禁中

火天皇避之太政官丁卯徙御一條大宮院冬十二月庚戌朔太

皇太后崩甲寅葬三條太皇太后丙子先是散位平致賴與前下

野守平維衡構兵而戰藤原致忠殺前相模守橘輔政子是日流

致賴於隱岐徙維衡於淡路流致忠於佐渡

庚三長保二年日本史春二月癸酉尊圓融皇后曰皇太后改中
宮曰皇后立女御藤原彰子爲中宮夏五月甲申大和言興福寺
僧擾添下郡敕令興福寺別當禁僧徒濫行冬十月甲寅宮成徙
御十二月己未皇后崩庚午葬藤原皇后是冬疾疫起自鎮西流
及京師

辛四長保三年日本史自春至秋天天下大疫死者相繼冬十一月
乙酉禁內火天皇避之職曹司己丑遷御一條院閏十二月己丑
東三條院崩辛卯葬東三條院

壬五長保四年日本史冬十月乙亥右兵衛府火

宋史日本傳咸平五年建州海賈周世昌遭風飄至日本凡七年
得還與其國人滕木吉至上皆召見之世昌以其國人唱和詩來
遠詰其故國中不習戰鬪賜木吉時裝錢遣還

癸六長保五年日本史冬十月甲子宮成徙御是歲大有年

甲景德寬弘元年日本史秋七月壬寅改元大赦冬十月辛丑行
幸平野北野二社松尾北野行幸始於此

宋史日本傳景德元年其國僧寂照等八人來朝寂照不曉華言
而識文字繕寫甚妙凡問答並以筆札詔號圓通大師賜紫方袍
王氏談錄公言祥符中日本僧寂照來朝後求禮天台山先中令
守會稽寂照經由來謁寂照善書迹習二王而不習華言但以筆
札通意時長兄爲天台宰中令以書導之兼贈詩云滄波泛瓶錫
幾月到天朝鄉信日邊斷歸程海面遙秋泉吟裏落霜葉定中飄
爲愛華風住扶桑夢自消既至天台致書來謝累幅勤至其字體

婉美可愛楊文公在禁中識之亦嘗序其事

元史日本傳宋雍熙元年日本僧裔然與其徒五六人浮海而至奉職貢并獻銅器十餘事裔然善隸書不通華言問其風土但書以對云其國中有五經書及佛經白居易集七十卷裔然還後以國人來者曰滕木吉以僧來者曰寂照寂照識文字繕寫甚妙至熙甯以後連貢方物其來者皆僧也

乙二 寬弘二年日本史春二月丙午盜殺大藏大輔平孝信冬十一月己未禁內火天皇避之神嘉殿遷職曹司遂御太政官朝所庚申奉置神鏡於職曹司諸衛護之自夏至冬天變數見神社佛寺多怪異

丙三 寬弘三年日本史夏五月癸丑大和守源賴親劾興福寺僧不去習一平餘人京所秘七月在藤原道康倉死

守菅野重忠於太宰府

戊大中祥 寬弘五年日本史春二月己亥法皇崩戊申葬華山天

皇

己二 寬弘六年日本史春二月辛卯僧圓能呪詛事發覺捕訊鞫之丙午圓能及其黨與處罪有差冬十月丙戌一條院火延喜天麻御記累朝寶器多焚天皇避之織部司

庚三 寬弘七年日本史春二月丁未造一條院冬十一月癸卯一條院成徙御

辛四 寬弘八年日本史夏五月乙未弗豫六月乙卯天皇讓位於皇太子上尊號曰太上天皇薙髮法名精進覺甲子崩於一條院中殿年三十二遺詔停山陵國忌及素服舉哀火葬於北山長坂

野稱一條院寬仁四年藏御骨於圓融帝陵側帝慈仁爲心常憫
民庶寒夜嘗脫御衣上東門院異而問之帝曰方今天寒天下窮
民必有不堪者朕豈忍獨重襲哉好學崇文詞藻過人兼妙絲竹
藤原齊信語人曰我嘗有所汲引將私奏請適聞玉音曰凡事須
要反滄素我內甚愧終不能請而止時藤原道長日獻御膳自聞
此言不復進御帝臨御日久一時人才輩出自謂朕之得人勝於
延喜天祿之世然遭道長專權政不由己意雖惡之力不能制焉
又后藤原定子關白道隆女中宮藤原彰子攝政道長女女御藤原義子太政大臣公藤原元子左大臣顯光女藤原尊子關白道長女子三后生敦康親王
中宮生後一條帝後朱雀帝

三條天皇

日本元年藤原氏始禪考紀言龜家勇且依第未有禮年
十一月爲親王永觀元年八月始讀書寬和二年六月一條帝踐
阼七月冠於攝政兼家南院第是日立爲皇太子寬弘八年夏六
月一條帝弗豫召入禁中乙卯皇太子受禪於一條院立一條帝
第二子敦成親王爲皇太子左大臣藤原道長右大臣藤原顯光
內大臣兼左近衛大將藤原公季大納言兼右近衛大將藤原實
資並如故是夜天皇還御東三條第庚申尊一條帝曰太上天皇
辛酉上皇落髮甲子法皇崩秋七月己卯葬一條天皇八月壬子
夜自東三條第徙御禁中冬十月乙卯天皇卽位於太極殿時年
三十六癸亥上皇崩十一月癸酉京師火乙酉葬冷泉十二月丙
寅詔追尊所生女御藤原氏爲皇太后

壬五 長和元年日本史春二月壬子尊皇太后曰太皇太后中宮

曰皇太后立女御藤原妍子爲中宮夏四月甲子立女御藤原城子爲皇后冬十一月甲午朔日南至赦十二月戊子改元

癸丑 長和二年

甲寅 長和三年日本史春二月乙丑夜禁中火天皇避之太政官朝所丙子徙御松下曹司

乙卯 長和四年日本史自二月至五月天下大疫死者盈路建疫

神祠於紙屋川西號花園今宮奉神寶幣馬秋九月丁卯宮成徙御冬十一月癸亥夜禁中火天皇避之松下曹司乙丑徙御枇杷

第

丙辰 長和五年日本史春正月甲戌天皇讓位於皇太子立皇子

敦明親王爲皇太子以左大臣藤原道長攝政帝在位頗惡道長

位帝不懌日本國志道長專政綱紀日壞帝有日疾道長諷使遜位不從陰令醫以寒水進金液丹遂喪明至是

欲親詣名寺以禱病遂決意脫屣二月上太上天皇尊號仍居枇

杷第後徙三條院五月登比叡山修七壇法七日十二月幸廣隆

寺駐蹕九日寬仁元年四月薙髮法名金剛淨五月丙午法皇崩

於三條院年四十二遺詔停素服舉哀火葬於石蔭藏御骨於北

山稱三條院又中宮藤原妍子攝政道長女后藤原娥子大納言女御

藤原氏關白道隆女尙侍藤原綏子關白兼家女子四小一條院敦明親王

敦儀親王敦平親王師明親王並后生

後一條天皇

日本史後一條天皇諱敦成一條第二子也母上東門院藤原彰

子寬弘五年九月戊辰生於外祖左大臣藤原道長上東門第十

月爲親王八年六月三條帝踐阼立爲皇太子長和三年十一月始讀書五年春正月甲戌皇太子受禪於上東門第立三條帝皇子敦明親王爲皇太子以左大臣藤原道長攝政右大臣藤原顯光內大臣藤原公季權大納言兼左近衛大將藤原賴通大納言兼右近衛大將藤原實資並如故二月壬午天皇卽位於太極殿時年九歲戊子尊三條帝曰太上天皇夏六月甲戌徙自上東門第御一條院

丁天禧寬仁元年日本史春三月乙卯攝政道長罷以內大臣藤原賴通攝政夏五月丙午法皇崩己酉葬三條天皇六月戊辰朔

太皇太后藤原氏崩壬申葬東北院太皇太后秋八月甲戌皇太子辭位聽之日本國志初三條將禪位其子敦明爲新帝儲貳母藤原濟時女也道長請立敦明帝不聽敦明長帝十四歲內不自安朝臣憚道長擬東宮屬者皆辭臣上健陽來其

二月戊辰以前攝政道長爲太政大臣改元

戊二寬仁二年日本史春正月丁酉天皇加元服辛丑尊皇太后曰太皇太后二月癸酉太政大臣道長罷夏四月辛卯宮成徙御

冬十月乙巳尊三條中宮曰皇太后立女御藤原威子爲皇后巳三寬仁三年日本史春三月刀伊賊船五十餘寇對馬夏四月

庚寅太政大臣道長病大赦和漢年契道長祝髮庚子京師多盜數放火劫掠敕立賞格購索捕之甲辰太宰府驛奏刀伊賊入壹岐島殺守

藤原理忠虜掠人民遂侵筑前怡土郡壬子太宰府言刀伊賊寇筑前那珂郡肥前松浦郡遣前少監大藏種材藤原明範等擊卻

之夏六月甲辰丹波百姓相帥守陽明門訴國守不法乙巳丹波守藤原賴任差吏卒捕之命檢非違使逮其爲首者十餘人秋九

月太宰府言新羅送還刀伊所掠壹岐對馬男女二百餘人冬十二月甲辰以攝政賴通爲關白

庚四 寬仁四年日本史夏四月癸卯大赦十二月太宰府言南蠻賊掠薩摩人詔討之

辛五 治安元年日本史春二月丁未改元大赦秋七月戊戌以右大臣藤原公季爲太政大臣是歲旱大饑春夏疾疫死亡相繼

壬乾興 治安二年日本史秋七月壬午行幸前太政大臣道長所建法成寺大赦

癸仁宗天 治安三年日本史春二月己未盜火麗景殿撲滅之亥聖元 萬壽元年日本史秋七月戊戌改元大赦

甲二 萬壽二年日本史春三月丁未三條皇后藤原氏崩夏四月乙三 萬壽二年日本史春三月丁未三條皇后藤原氏崩夏四月

宋史日本傳天聖四年十二月明州言日本國太宰府遣人貢方物而不持本國表詔卻之其後亦未通朝貢南賈時有傳其物貨至中國者

丁五 萬壽四年日本史春正月京師火延燒千餘家二月盜數劫路人又入禁中奪女官衣物秋九月辛亥皇太后藤原氏崩癸五

葬枇杷皇太后冬十一月己酉以前太政大臣道長疾大赦壬戌行幸法成寺視道長疾庚午前太政大臣道長薨

餘年進女於帝妝奩窮極工巧家出三后身爲兩朝外祖嘗詠和歌以月圓無缺自喻又作歌曰此世吾之世也及病帝問所欲言

五百戶此時禁諸國營宅過制及六位以下版築作垣檜皮葺屋而道長營寺僧擬宮禁取材木徒役於官

戊六 長元元年日本史夏六月甲申先是前上總介平忠常反燒

殺安房守惟忠姓關詔檢非違使右衛門少尉平直方少志中原成

道等討之官符東海東山二道同討秋七月戊午改元大赦冬十

月甲戌金峰山僧百餘詣陽明門訴大和守藤原保昌苛政壬午

京師火延燒五百餘家

己七 長元二年日本史春二月甲子官符追討使平直方及東海

東山北陸三道討平忠常

庚八 長元三年日本史春正月庚辰安房守藤原光業畏平忠常

棄印逃還京師夏四月乙巳禁諸國吏營宅過制其及方一町者

減為四分之一又禁六位已下板築作垣檜皮葺屋秋九月壬子

敕甲斐守源賴信率坂東諸國兵討平忠常召還追討使平直方

辛九 未 長元四年日本史夏四月乙巳甲斐守源賴信言賊平忠常

子白經基曰經生皆賜姓源氏經基有武幹善騎射以親王為源
第六子世呼經基曰六孫王天慶中為武藏介平將門之反間行
入奏之因拜從五位下從藤原忠文伐將門又從小野好古伐賊
黨藤原純友終敘正四位下任鎮守府將軍子孫世為武臣其旗
用白有八子長滿仲生於攝津多田襲父職位得關東士心冷泉
帝安和二年中務少輔橋繁延而相模介藤原千晴等密謀挾為
攝政藤原實賴旨與弟滿仲與焉已而滿仲與繁延有隙遂自首以
如天慶之亂云滿仲嘗謂武臣衛天子不可無利刀乃召筑前良
治某鍛鍊六旬得二刀曰截鬢曰膝圓傳之子孫滿仲官至左馬
頭及卒贈從三位四子賴光賴親源賴信源賢為僧賴官親坐與
興福寺僧闍處流子孫居大和源氏賴光材武有名為東
宮大進承延中攝政藤原兼家造新第源氏賴光材武有名為東
分賓客兼家子道隆襲攝政其弟右大將道兼與之爭權賴信素
事道兼謂賴光曰吾力能刺道隆使我主代之賴光乃止賴信有
妄言事敗肝腦塗地汝主亦豈可宴然哉賴信乃止賴信有
子長賴國子孫世居多田稱攝津源氏賴信尤勇敢善用兵長
元中為甲斐守會三歲不能平也乃以亂朝廷合上野介平直方將
東海東山兵討之待兵集而進弗聽遂率子賴義等進赴鹿島忠
聞命即往人勸其待兵集而進弗聽遂率子賴義等進赴鹿島忠
常奪舟列柵海岸不可濟賴信計示弱急之使義等進赴鹿島忠
於是聚眾議戰眾謂其無舟筏宜循海赴攻賴信曰不可賊恃險
吾直渡攻其不備可一戰下也聞有淺處可騎渡軍中豈有知之

考八後一條

其

者乎有高文者自稱知之馳入海行立葦爲表賴信麾軍從之忠
常驚怖出降斬之効首京師以功敘從四位上上野常陸介賴
信謝曰臣藉天威得不血刃而降強賊何功之有臣秋八月癸未
老矣不堪遠任願得改守丹波非所敢望也不許

先是齋宮頭藤原相通妻作大神宮寶殿於私室誑惑庶民至是
流相通於佐渡妻於隱岐是月天皇每夜密御內侍所拜禱冬十
一月甲戌朔日南至赦

王明道 長元五年日本史春三月丙子以地震雷大赦

癸酉 長元六年日本史春正月癸巳盜入東宮及御息所取衣物

甲景祐 長元七年

乙長元八年

丙三 長元九年日本史夏四月乙丑天皇薙髮是日崩於清涼殿

年二十九臨崩將讓位於皇太弟使關白賴通詣昭陽舍傳旨歸

容於菩提樹院藏御骨於淨土寺長久元年移於菩提樹院稱後

一條院帝頗有文藻受史記文選於大江舉周其在位重勞民及

葬役夫相語曰二十年間令我息肩今而可不效力哉又中宮藤

原威子攝政道

長女

臣王先謙撰集

後朱雀天皇

日本史後朱雀天皇諱敦良後一條同母弟也寬弘六年十一月
 丙子生於外祖左大臣藤原道長上東門第七年正月為親王長
 和四年十二月始讀書寬仁元年八月立為皇太弟三年八月冠
 長元九年夏四月乙丑後一條帝崩羣臣就昭陽舍奉劔璽於皇
 太弟皇太弟踐阼關白左大臣賴通右大臣兼右近衛大將藤原
 實資內大臣兼左近衛大將藤原教通並如故五月丙申葬後一
 條秋七月丙戌天皇即位於太極殿時年二十八九月辛巳後一
 條皇后藤原氏崩甲午葬皇后

丁酉 長麻元年日本史春二月丙辰立禎子內親王為中宮三月